

Այս դասի
(նախաբան+ներածություն+մոտիվացնող
ներածական տեսանյութ+դասի
տեքստ+բառարան+ինքնաստուգիչ հարցեր)
յուրացման համար հարկավոր է մինչև
4 ժամ:

ՆԱԽԱԲԱՆ

Սույն դասընթացը նախատեսված է դատավորների, ինչպես նաև արդարադատության համակարգի այլ աշխատողների համար: Այն Ձեզ հնարավորություն կտա ծանոթանալու **փախստականների միջազգային իրավունքի** հիմնական հասկացություններին, սկզբունքներին և հիմնադրույթներին, << օրենսդրությունում դրանց իմպլեմենտացիային, ինչպես նաև դրանց կիրառման հետ կապված հիմնահարցերին:

Դասընթացը բովանդակում է վերոնշյալ հարցերի լուսաբանմանը նվիրված թեմաներ՝ փախստականների միջազգային իրավունքի պատմության, հիմնական հասկացությունների, սկզբունքների ու երաշխիքների, դրանց ապահովմանն ուղղված ընթացակարգերի, ինչպես նաև **միջազգային իրավունքի** այլ ճյուղերի շրջանակներում ձևավորված՝ փախստականների պաշտպանությանը վերաբերելի նորմերի վերաբերյալ:

Ցուցումներ



Մինչև 15 րոպե

Յուրացնելով սույն դասընթացի նյութը, պատասխանելով ինքնաստուգիչ հարցերին և կատարելով առաջադրանքները՝ **Դուք**.

- Կունենաք գիտելիքներ փախստականների միջազգային իրավունքի զարգացման, դրա հիմնական աղբյուրների, ինչպես նաև Միավորված ազգերի կազմակերպության փախստականների հարցերով գերագույն հանձնակատարի (**ՄԱԿ ՓԳՀ**) մանդատի և առաքելության վերաբերյալ:
- Կիմանաք **փախստականների** պաշտպանության լայն համատեքստի՝ **ներքին տեղահանված անձանց, ապաքաղաքացիության** մասին:
- Ձեռք կբերեք գիտելիքներ փախստականի կարգավիճակ շնորհելու չափանիշների և դրանց որոշման առավել խնդրահարույց կողմերի, ինչպես նաև փախստականների պաշտպանության հիմնական սկզբունքների և բովանդակության մասին:
- Կկարողանաք հստակ տարբերակել ու կիրառել փախստականի կարգավիճակի տրամադրումը մերժելու և այդ կարգավիճակը դադարեցնելու հիմքերը:
- Ծանոթ կլինեք փախստականի կարգավիճակի որոշման ընթացակարգերին և ընթացակարգային երաշխիքներին, դրանց շրջանակներում առավել հաճախ ծագող ապացուցման խնդիրներին:
- Ձեռք կբերեք գիտելիքներ փախստականների պաշտպանության լրացուցիչ մեխանիզմների՝

Փորձեք դասընթացի ողջ նյութի յուրացմանը «նայել» հետևյալ կետերի տեսանկյունից:

Ժամանակավոր պաշտպանության, մարդու
իրավունքների միջազգային իրավունքի
(մասնավորապես՝ **ՄԻԵԿ** և **ՔՔԻՄԴ**) շրջանակներում
պաշտպանության վերաբերյալ:

Սույն դասընթացի թեմաների յուրացման համար
անհրաժեշտ են գիտելիքներ ԲՈՒՀ-երի իրավաբանական
ֆակուլտետների մասնագիտական առարկաներից, այդ թվում՝
բազային գիտելիքներ **միջազգային հանրային իրավունքից**: